



Datum: 18.09.2017. godine

Broj: Oi-K-SA-126/17

Fondacija Centar za javno pravo
Hamdije Kreševljakovića 8
71000 Sarajevo

Poštovani/e,

Zahvaljujemo se na Vašem pozivu za prisustvo, ali ne i učešće na „stručnoj raspravi“ o instituciji Ombudsmena za ljudska prava Bosne i Hercegovine koju organizujete pod nazivom „Trebamo li ombudsmene u pravnom sistemu BiH?“, a koja je kruna višemjesečne negativne kampanje protiv institucije Ombudsmena BiH koju Fondacija Centar za javno pravo sprovodi sistematski u javnom prostoru Bosne i Hercegovine. Iz najavljenih referata koji se teško mogu nazvati utemeljenim i sveobuhvatnim analizama u kojima je centralna tema institucija Ombudsmena za ljudska prava BiH, sasvim je jasno da cilj skupa nije objektivan pristup niti sveobuhvatno razmatranje pozicije Ombudsmena u Bosni i Hercegovini. Ovu činjenicu reflektira ne samo hipotetički naslov destruktivnog potencijala ove stručne rasprave, koji ozbiljno zalazi u ustavno uređenje Bosne i Hercegovine, nego i Dnevni red u kojem nije kreiran prostor za prezentaciju stajališta predstavnika institucije Ombudsmena za ljudska prava BiH.

Ombudsmeni ne spore da prostor za akademsku, ali prije svega, stručnu i građansku raspravu, treba da postoji, između ostalog i o tome kakvu nacionalnu instituciju za zaštitu i promociju ljudskih prava jedno društvo treba i šta treba učiniti da se taj model ostvari; i koja je lična i institucionalna odgovornost na tom putu, međutim ovakav jednostran skup, negativnog naboja ne kreira prostor za takav dijalog.

Sa žaljenjem konstatujemo da su pojedinci okupljeni oko Fondacije Centra za javno pravo, a čiji su se predmeti prethodnih nekoliko godina vodili u instituciji Ombudsmena za ljudska prava, i sa čijim ishodom nisu bili zadovoljni, iskoristili svoju poziciju za negativnu kampanju iz ličnih razloga, usmjeravajući u nju finansijske i ljudske resurse, koji su se mogli iskoristiti afirmativnije, a u interesu građana Bosne i Hercegovine.

Ombudsmeni se nažalost ne mogu odazvati pozivu, zbog ranije preuzetih obaveza, duboko uvjereni da ovaj skup nema za cilj kreiranje prostora za konstruktivan dijalog i raspravu na partnerskom nivou uz puno uvažavanje svih učesnika skupa.

Iz poštovanja prema učesnicima ovog skupa zakazanog za 20. septembar 2017. godine, kao i zbog objektivnog informisanja javnosti, očekujemo da ćete ovaj dopis u cijelosti pročitati ili dostaviti učesnicima.

S poštovanjem,



Ombudsmeni Bosne i Hercegovine

Dr. Jasminka Džumhur

Nives Jukić

Prof. dr. Ljubinko Mitrović

Dostavljeno:

- naslovu
- GIZ, Brigitte Heuel-Rolf